

v/Trygve Mjelde

Skjerjavegen 60

5729 Modalen

Modalen Kommune

P.B. 44

5729 Modalen

SØKNAD TIL OPPSTART AV INNANDØRS SKYTEBANE

Modalen Kommune er i dag ein av få kommunar utan skytebane i kommunen. Vaksdal/Modalen Skyttarlag ynskjer å gå i dialog med kommunen for å sjå på mogelegheit for å byggje ei innandørs skytebane i Modalen.

Vaksdal/Modalen Skyttarlag er ein organisasjon som ligg under Det Frivillige Skyttervesen og det er i dag registrert 150.000 aktive skyttarar. Vaksdal/Modalen har i dag 178 medlemmer, av desse er 36 under 20 år. Me har i dag ei utandørs skytebane på Eidsland. No i vinterhalvåret er det ikkje lenger mogeleg å bruke denne. Dei fleste som byrjar med skyting i dag, byrjar via miniatyrskyting inne. Me trur at skyting vil vera eit flott supplement til dei tradisjonelle lagidrettane, som fotball og handball, i Modalen. Me ser at lagidrettane som regel er veldig avhengig av størrelse på årskulla. Er det ikkje mange nok av same kjønn i same aldersgruppe, vil difor tilbod forsvinna for enkelte av ungdomane. Men desse har framleis eit behov for noko å halde på med og då trur me at skyting vil passe fint. Her styrer ein seg for det meste sjølv, samstundes som ein høyrer til eit lag og kan trene og reise på stevner i lag med andre. Ein kan reise på dei stevnene ein vil og skyte til dei tidene som passar. Det fysiske terskelen for å starte med skyting er også lav.

I DFS konkurrerer jenter og gutar i same klasse, med lik føresetnad for å lykkas. For å skyte stevner i klasse Aspirant må du vere 10 år, og kun den fysiske helsa set den øvre aldersgrensa for den enkelte skyttar. Dermed kan ei skytekarriere strekke seg frå fylte 10 til vel over 90 år. Få idrettar kan tilby ein tilsvarande aktiv periode. Skytebana er ein samlingsplass for heile familien, og ikkje sjeldan ser me at både mor og far samt son og dotter deltar i same konkurranse. Det vil heller ikkje vere sånn at ein nødvendigvis må bytte til andre lag etter kvart som ein kjem opp på eit høgare nivå. Det er ingenting i vegen for at ein framtidig skyttarkonge eller skyttardronning kan komme i frå Vaksdal/Modalen Skyttarlag.

Vaksdal/Modalen Skyttarlag ser for seg eit spleiselag der mykje av arbeidet vil foregå på dugnad. Skyttarlaget sjølv vil stå for innreiing av bygget, men håpar at både næringsliv og kommune vil vere med å bidra. Dette trur me vil bidra til tilhørighet og forpliktelse, samt til å halda aktiviteten oppe. Skyttarlaget har i dag ikkje so mykje pengar på konto. Me har ingen gjeld, men det er ikkje so mykje overskot å snakka om. Men me sit på mykje kompetanse, både innan skyting og andre fagfelt. Me har

både tømrrarar, rørleggar, elektrikar og andre fagfolk i medlemsmassen. Knut Farestveit har tatt på seg ansvaret for alt som har med rørleggararbeid å gjere og Jan Arild Steinsland vil vera byggeleder.

Det me freistar å spørje kommunen om er ei tomt som eignar seg til føremålet og midlar til oppføring av bygget. Skyttarlaget har satt ned ei prosjektgruppe for å jobba mot innandørs skytebane i Modalen. Denne vert leia av Trygve Mjelde. Me har sett opp eit budsjett basert på muntleg dialog med andre skyttarlag, lokale fagfolk og innhenta tilbod. Sjå vedlegg. Foreløpig er det kostnadsberekna til ca 2.700.000 + mva. Det vil då vera eit bygg på eitt plan med ei grunnflate på ca 300 m² (30mx10m), skytebane med 6 skiver og som vil ha garderobeanlegg med toalett og ein kafe/opphaldsrom med kjøkkenkrok, samt plass til kontor og eit lagerrom. Sjå vedlagte skisser. Dette er eit grovestimat og me vil i nær framtid henta inn fleire pristilbod og komme med endå meir spesifiserte kostnader. Skyttarlaget har hatt styremøte på dette og me har sett for oss at skyttarlaget kan bidra med so mykje som 450.000 i form av dugnad. Etter det me har funne ut er fristen for kummunane å videresende alle innkomne søknader til fylkeskommunen 15. januar kvart år. Me håpar på at me saman kan klare denne fristen for 2016. Vert denne innvilga vil det dekkja 1/3 av kostnaden, 1.116.000 kroner. Trekk ein i frå dugnaden på 450.000 og momskompensasjon på resten vil det då stå att kroner 1.456.000 som me ber om at kommunen vill dekke. I dette ligg det òg kostnader til ein kommunal tomt. Me ber òg om at kommunen vil forskuttere den delen som gjeldt tippemidlar og mva-kompensasjon.

Rekneskapet for kommunen vert:

Totale kostnader ink mva	:	3.350.000
-Tippemidler (1/3)	:	1.116.000
-Dugnad	:	450.000
-Kostander til kommunal tomt	:	140.000

Gjennværene ink mva	:	1.644.000
-Mva-kompensasjon	:	328.000

Resterende beløp det søkes stønad om: 1.316.000

Heile prosjektet er avhengig av at me får innvilga stønad om spelemidler. Og for å kunne søke om spelemidler må prosjektet vere inne på ein kommunal plan for idrett. **Difor vil me også be om at skyttarhuset kjem med på ein kommunal plan for idrett.**

Det er to tomter som kommunen eig som me har sett på som eigna til føremålet. Den eine på Mo, på andre sida av industribygget, der det i dag er ein stor parkeringsplass som mellom anna vert nytta av NGIR ved bossinnsamling. Den andre ligg på Helland, nedafor barnehagen der BKK i si tid hadde ein brakkerigg. Ingen av desse tomtene er regulert til eit slikt formål og må eventuelt regulerast om. Skyttarlaget ser på Helland som den beste plassen. Her ligg det klart for å koble seg til vann og kloakksystemet. Me har i vårt budsjett lagt opp til at tomten er meir eller mindre byggeklar. Me arrangerer i dag jaktfelt-skytingar på Helland og ser at me også kunne gjort meir ut av dette med eit skyttarhus på staden.

Med ei innandørs skytebane i Modalen vil Vaksdal/Modalen Skyttarlag forplikta seg til å gje eit tilbod til ungdom som vil drive med skyting. Her vil me stilla med instruktør og utlån av tilgjengelige lagsvåpen fast ein dag i veka i sesong. Det skal ikkje vere nødvendig å gå til innkjøp av utstyr om ein vil prøve ut skytesporten. Det vil i tillegg vere mulig for dei som vil drive meir aktivt og treng mindre veiledning til å trene meir. Men det skal alltid vere ansvarlege folk frå skyttarlaget tilstades når det er aktivitet på bana. Idag har me aktive skyttarar som reiser rundt både i og utafor fylket nesten kvar veke for å skyte. Dei vil no kunne drive mykje av denne aktiviteten i Modalen og me har stor tru på at det relativt raskt vil vakse fram eit miljø i Modalen.

Me har mange medlemmar i laget som etterspør mogeleheita for å drive meir aktivt. På 17.mai ser me at det er veldig populært og det er som regel lang kø frå ein byrjar til det er slutt og me må sette begrensing på at det berre er ein runde på kvar, sjølv om det er mange som vil skyte meir. Det vart arrangert ein open dag på skytebana på Eidsland i september og det synte også at interessa er der for å drive større aktivitet. Erfaringar frå andre skyttarlag visar at det er lettare å komme i gang med inneskyting før ein går over til å praktisera utandørs-skyting. Kostanden med innandørs skyting er også mykje lågare.

Om me får til ei slik skytebane som vert skissert vert det altså ei topp moderne skytebane som kan vere tenleg minst 20 år fram i tid. Her vil det vere moderne elektronikk som gjer det mogeleg å vise treffpunkta til kvart skot direkte på skjerm i opphaldsrommet og også over internett. Dette gjer sporten svært publikumsvenleg. Når me ser på stevner som vert arrangert lokalt i dag, so er det alltid mellom 100 og 200 påmeldte. Med ei ny bane kan me også arrangere slike stevner i Modalen. Me trur at den auka aktiviteten vil bidra til å auka omsetningen i laget og dermed gjere skyttarlaget i stand til å stå for den praktiske driften av bygget. I tillegg til å arrangere offisielle stevner i regi av DFS kan ein også arrangere andre typer stevner/cuper lokalt, som til dømes bedriftserie.

Hordaland Skyttarsamlag er ein av dei mest aktive samlaga i landet. Dei arrangerer fleire gongar for året ulike ungdomssamlingar. Sist var turen lagt til Strandebarm av di dei kunne tilby overnatting, skyting, bading, idrettshall m.m. Me trur at dette kan verte lagt til Modalen òg med alt me kan tilby. I tillegg har me noko å tilby andre skyttarlag som vil reise på treningssamlingar.

Eit skyttarlag me gjerne ser til er Oppedal/Brekke, som har bygd si eige innandørs skytebane. Det me ser dei har fått til der er noko me trur me kan få til i Modalen òg. Her har dei ungsomstrening 2-3 gongar i veko. I tillegg til eigne damekveldar, pensjonistkveldar, bedriftserie m.m. Det er aktivitet kvar dag i veka og er veldig populært. Dei har ei utfordring med at kapasiteten nesten er sprengd. Og det at medlemsmassen spenner seg so vidt i alder og kjønn gjer at ein får eit veldig godt miljø og heilt spesielt samhold i laget.

Me vonar at kommunen vil vere med på dette og me føler oss sikre på at ein vil få mykje att for dei pengane som vert investert. Om det er ynskjeleg so stiller me gjerne opp for å presentere prosjektet nermare og gje ei vidare innføring i kva skytesporten er og kan tilby.

Med ynskje om ein god dialog

Vaksdal/Modalen Skyttarlag

Trygve Mjelde – Prosjektleiar

Arild Stamnes – Formann